

Morning Dogri (NSD) National News Bulletin 16-09-2024

आकाशवाणी

1. प्रधानमंत्री नरेन्द्र मोदी होर गुजरात च चौथी आरईइन्वेस्ट ग्लोबल इंडस्ट्रीयल मीट दा अज्ज उदघाटन करगंन।
2. जम्मू कश्मीर विधानसभा दा पैहले गेड़ दा चुनां अभियान अज्ज संभा'रदा ऐ।
3. भारत नै समुंद्र तूफान कन्ने प्रभावत देशें म्यानमार, लाओस ते वियतनाम गी मनुक्खी राहत सहायता देने लेई ओपरेश सदभाव शुरू कीता ऐ।
4. मौसम विभाग नै बिहार, झारखंड, ओडिशा ते छत्तीसगढ़ च अज्ज किश थाहरें बड़र भारी बरखा दा अनुमान लाया ऐ।
5. अज्ज ईद मिलाद उल नबी 2024 मनाई जा'रदी ऐ।
6. 45मेंचैस ओलंपियाड च टीम इंडिया नै ओपन सेक्शन मैचें च 3-1 कन्नै अजरबैजान गी हराया।

<><><><><><>

PM Mahatma

प्रधानमंत्री नरेन्द्र मोदी होर अज्ज महात्मा मंदर गांधी नगर गुजरात च चौथी आर.ई. इन्वेस्ट ग्लोबल इंडस्ट्रीयल मीट दा उदघाटन करडन। प्रधानमंत्री होर अहमदाबाद गी गांधीनगर ते गिफ्ट सिटी कन्नै जोड़ने आहली अहमदाबाद मेट्रो दे दुए गेड़ गी झंडी दस्सियै शुरू कराडन। इंदा पीएम सूर्यघर मुफ्त बिजली योजना दे लाभार्थिं कन्नै मलाटी दा बी कार्यक्रम ऐ। मगरा श्री मोदी होर 8 जहार करोड़ रुपें दी बक्ख-बक्ख परियोजनाएं दे उदघाटन करडन यां उंदे नींह पत्थर रक्खडन। इनें परियोजनाएं च देसै दी पैहली वंदे भारत मेट्रो रेल दा उदघाटन शामिल ऐ जेहड़ी अहमदाबाद ते भुज बश्कार चलोग। चौथी आर.ई. इन्वेस्ट ग्लोबल रीनीवेबल एनर्जी मीट ते प्रदर्शनी दा आयोजन केन्द्री नमीं ते नवीकरणी उर्जा मंत्रालय आसेआ कीता जा'रदा ऐ। एह्दे च नवीकरणी उर्जा दे उत्पादन ते बरतून च भारत दी शानदार उपलब्धिं गी उजागर कीता जाह्ग। केन्द्री नमीं ते नवीकरणी उर्जा दे मंत्री प्रल्हाद जोशी ते गुजरात दे मुखमंत्री भूपेन्द्र पटेल होर बी उदघाटन सत्र च शामिल होडन।

<><><><><><>

PM Modi

प्रधानमंत्री नरेन्द्र मोदी होरें कल श्री सोमनाथ ट्रस्ट दी गांधीनगर च लग्गी दी बैठक दी प्रधानता कीती। अपने सोशल मीडिया एकाउंट एक्स पर मोदी होरें आखेआ जे बैठक दरान उनें जात्तरा गी होर बेहतर ते सुविधाजनक बनाने बारै बक्ख-बक्ख पैह्लुएं पर सोच-विचार कीता। मोदी होर कल्लै थमां दऊं दिनें दे गुजरात दौरै पर न।

<><><><><><>

EX US

अमरीका दे साबका राष्ट्रपति डोनाल्ड ट्रंप होरें जंदी रातीं पच्छमी पाम बीज फ्लेरिडा च ट्रंप नैशनल गोल्फ क्लब च उंदे कोल कश गोली चलने दी खबर दे बाद आखेआ ऐ जे ओ पूरी चाल्ली सुरक्षत न। ट्रंप हुंदे संचार ते प्रचार निदेशक स्टीवन चेउंग नै आखेआ ऐ डोनाल्ड ट्रंप उसलै गोल्फ मैदान च गै हे जिसलै गोली चलने दियां वाजां सुनोचियां।

<><><><><><>

J&K Campaign

केन्द्र शासत प्रदेश जम्मू कश्मीर च विधानसभा चुनां दे पैह्ले गेड़ लेई प्रचार अज्ज संजा खत्म होई जाग। इस गेड़ तैहत् 7एं जिले च फैली दिएं 24 विधानसभा सीटें लेई अत्तरू 18 सितम्बर गी वोट पाए जांगन। एह जिले च डोडा, किशतवाड़, रामबन, अनंतनाग, पुलवामा, कुलगाम ते शोपिया। दूए ते त्रीए गेड़ तैहत् मतदान 25 सितम्बर ते पैहली अक्टूबर गी कराया जाग। जम्मू कश्मीर विधानसभा दियां कुल 90 सीटां न, जिंदे चा 74 सामान्य, 7 एससी ते 9 एसटी वर्ग लेई आरक्षित न।

<><><><><><>

Op Sadbhaav

भारत नै तूफान यागी थमां प्रभावत म्यामा, लाओस ते वियतनाग मुल्खें च मनुक्खी सहायता पजाने लेई आप्रेशन "सद्भाव" शुरू कीता ऐ। भारत सरकार नै तूफान दे असर कन्नै

बरोबरी लेई प्रेरत कीता। द्रौपदी मुर्मू होरें लोकें गी आखेआ जे पैगम्बर मोहम्मद हुंदिणं सिक्खेयाणं गी अपनांदे होई इक इमानदार समाज बनाने दा पक्का धेइया करन।

<><><><><><>

Chess Olympiad

बुडापेस्ट च खेड्ढे जा'रदे 45में शतरंज ओलंपियाड च टीम इंडिया नै अजरबैजान गी ओपन सैक्शन दे इक मैच च 3-1 कन्नै हराया जेल्लै के महिला टीम नै कजाखस्तान गी 2 इशारिया 51 दी नेडमी बढत कन्नै हराया। टीम इंडिया दे गुकेश ते अर्जुन एरिगैसी होरें अपने प्रतिद्वंदिणं खलाफ शानदार खेड्ढे दा प्रदर्शनी कीता। टीम इंडिया इसलै लीडरबोर्ड पर सब्बने शा उप्पर ऐ। महिलाएं दे मुकाबलें च ग्रैंडमास्टर हरिका द्रोणावली दे हारने दे बावजूद ग्रैंडमास्टर आर. वैशाली ते वंतिका अग्रवाल नै अपने प्रतिद्वंदिणं पर जित्त हासल कीती ते देसै दी टीम गी विजय दोआई।

<><><><><><>

Rajasthan Accident

राजसीन च सिरोही जिले दे विंडवाड़ा थाना क्षेत्र च कल रातीं पेश आए दे इक शिड्क हादसे च 8एं जनें दी मौत होई गई ते 18 दुए घायल होइ गे न। हादसा उसलै पेश आया जिसलै यात्रिणं कन्नै भरोची दी इक जीप इक ट्रक कन्नै जाई बज्जी। सिरोही दे एस.पी. अनिल कुमार होरें दस्सेआ जे हादसे दी खबर थोंदे गै पुलस मौके पर पुज्जी ते घायलें गी अस्पताल पजाया। जीप च 27 लोक सुआर हे। सब्बै उदयपुर जिले दे उगनासागर दे बसनीक हे ते पाली दे नाकोडा मंदर जा'रदे हे। मुख्ख मंत्री भजन लाल शर्मा होरें इस हादसे पर गैहरा दुख प्रगट कीता ऐ।

<><><><><><>

Srilanka Election

श्रीलंका च शनिवारें होने आले राष्ट्रपति चुनां लेई प्रचार अभियान तेज होई गेदा ऐ ते मेदवार मतदाताएं गी अपने पक्खै च करने लेई अपनी पूरी टिल्ल ला करदे न। कल होराना ते नुबारा एलिया च चुनां सभाएं गी संबोधत करदे होई मजूदा राष्ट्रपति रानिल विक्रमसिंघे

होरें आखेआ जे उंदा मुंडला मकसद श्रीलंका दे लोकें दे जीवन स्तरै गी उबड़ा चुक्कना ऐ।
विरोधी घडे दे नेता साजिथ प्रेमदारा होरें बी कल इक रैली च आखेआ जे उंदी सरकार
मुख्यै चा गरीबी खत्म करने लेई इक व्यापक अभियान चलाग।

<><><><><><>